

**ԱՐՁԱՆԱԳՐՈՒԹՅՈՒՆ N 35**

«Հազարամյակի մարտահրավեր» հիմնադրամ - Հայաստան ՊՈԱԿ-ի  
Կառավարման խորհրդի 2008թ. նոյեմբերի 4-ին ժամը 16:00-ին ՀՀ Կառավարության  
նիստերի դահլիճում կայացած հերթական նիստի

**Նիստը նախագահում էր.**

ՀՀ Վարչապետ, «Հազարամյակի մարտահրավեր» հիմնադրամ - Հայաստան ՊՈԱԿ-ի  
Կառավարման խորհրդի նախագահ Տիգրան Սարգսյանը

**Մասնակցում էին՝**

**Կառավարման խորհրդի անդամներ.**

|                     |  |
|---------------------|--|
| Արմեն Գևորգյանը     | ՀՀ փոխվարչապետ, ՀՀ տարածքային կառավարման<br>նախարար          |
| Արամայիս Գրիգորյանը | ՀՀ գյուղատնտեսության նախարար                                 |
| Տիգրան Դավթյանը     | ՀՀ ֆինանսների նախարար  |
| Մուշեղ Թումասյանը   | ՀՀ էկոնոմիկայի նախարարի տեղակալ                              |
| Հրանտ Բեգլարյանը    | ՀՀ տրանսպորտի և կապի նախարարի տեղակալ                        |
| Կարեն Զադոյանը      | «Հայաստանի երիտասարդ իրավաբանների<br>ասոցիացիա» ՀԿ-ի նախագահ |
| Վիկտոր Ենգիբարյանը  | «Հայաստանի եվրոպական շարժում» ՀԿ-ի<br>նախագահ                |
| Արման Ոսկանյանը     | «Տավուշի զարգացման» ՀԿ-ի ներկայացուցիչ                       |
| Շիրակ Միքայելյանը   | «Աշխատանք և հայրենիք» ՀԿ-ի լիազոր<br>ներկայացուցիչ           |

**Կառավարման խորհրդի դիտորդներ.**

|              |  |
|--------------|--|
| Ալեքս Ռասինը | Հայաստանում ԱՄՆ «Հազարամյակի<br>մարտահրավեր» կորպորացիայի գրասենյակի<br>տնօրեն |
|--------------|--|

**Նիստից բացակայում էին.**

|                    |   |
|--------------------|---|
| Վահրամ Ներսիսյանցը | ՀՀ Նախագահի տնտեսական հարցերով գլխավոր<br>խորհրդական, «Հազարամյակի մարտահրավեր»<br>հիմնադրամ - Հայաստան ՊՈԱԿ-ի Կառավարման խորհրդի<br>փոխնախագահ |
|--------------------|---|

|                   |   |
|-------------------|---|
| Ներսես Երիցյանը   | ՀՀ Էկոնոմիկայի նախարար  |
| Գուրգեն Սարգսյանը | ՀՀ տրանսպորտի և կապի նախարար  |
| Կարինե Դանիելյանը | «Հազարամյակի մարտահրավեր» հիմնադրամ - Հայաստան ՊՈԱԿ-ի Կառավարման խորհրդի բնապահպանական դիտորդ, «Հանուն կայուն մարդկային զարգացման ասոցիացիա» ՀԿ-ի նախագահ |
| Պողոս Շահինյանը   | «Ճանապարհային անվտանգության ազգային խորհուրդ» ՀԿ-ի նախագահ  |

**Նիստին հրավիրված էր.**

|                      |   |
|----------------------|---|
| Անդրանիկ Անդրեասյանը | ՀՀ տարածքային կառավարման նախարարության ջրային տնտեսության պետական կոմիտեի նախագահ |
|----------------------|---|

**Նիստին մասնակցում էին նաև.**

|                     |   |
|---------------------|---|
| Արա Հովսեփյանը      | «Հազարամյակի մարտահրավեր» հիմնադրամ - Հայաստան ՊՈԱԿ-ի գլխավոր գործադիր տնօրեն                       |
| Նորա Մարտիրոսյանը   | «Հազարամյակի մարտահրավեր» հիմնադրամ - Հայաստան ՊՈԱԿ-ի իրավախորհրդատու, Կառավարման խորհրդի քարտուղար |
| Մերի Հարությունյանը | ՀՀ կառավարության աշխատակազմի տեղեկատվության և հասարակայնության հետ կապերի վարչության պետ            |
| Սիմոն Ղոնաղչյանը    | ՀՀ կառավարության աշխատակազմի տնտեսագիտական վարչության պետ   |
| Հովհաննես Սահակյանը | ՀՀ կառավարության աշխատակազմի տնտեսագիտական վարչության պետի տեղակալ                                  |
| Դիանա Մնացականյանը  | ՀՀ վարչապետի մամլո խոսնակ   |

Նիստը բացեց ՀՀ Վարչապետ, «Հազարամյակի մարտահրավեր» հիմնադրամ - Հայաստան ՊՈԱԿ-ի Կառավարման խորհրդի նախագահ Տիգրան Սարգսյանը:

**Նիստի օրակարգում ներկայացված էին հետևյալ հարցերը.**

1. «Հազարամյակի մարտահրավեր» հիմնադրամ - Հայաստան» ծրագրի Շահառուների խորհրդի նոր կազմի (2008-2009թթ.) ընտրությունների արդյունքների ներկայացում:

2. «Հազարամյակի մարտահրավեր» հիմնադրամ - Հայաստան» ՊՈԱԿ-ի գլխավոր գործադիր տնօրենի տեղակալի թափուր պաշտոնի համալրման համար անցկացված մրցույթի արդյունքների քննարկում և հաստատում:
3. «Հազարամյակի մարտահրավեր» հիմնադրամ – Հայաստան» ծրագրի Ոռոգվող գյուղատնտեսություն ենթածրագրի ենթակառուցվածք բաղադրիչի վերանայված տարբերակի քննարկում և հաստատում:
4. «Հազարամյակի մարտահրավեր» հիմնադրամ – Հայաստան» ծրագրի Ոռոգվող գյուղատնտեսություն ենթածրագրի ենթակառուցվածք բաղադրիչի շրջանակներում կնքված նախագծման և տեխնիկական վերահսկողության պայմանագրերի փոփոխության մասին տեղեկատվության ներկայացում:
5. «Հազարամյակի մարտահրավեր» հիմնադրամ – Հայաստան» ծրագրի Ոռոգվող գյուղատնտեսություն ենթածրագրի «Ջրից դեպի Շուկա» բաղադրիչի «Ոռոգման կառավարման կազմակերպությունների կարողությունների ամրապնդում» խորհրդատվական ծառայությունների մատուցման պայմանագրի շրջանակներում խորհրդատուի կողմից ներկայացված «Նախնական հաշվետվության» քննարկում և հաստատում:
6. «Հազարամյակի մարտահրավեր» հիմնադրամ - Հայաստան» ծրագրի Ոռոգվող գյուղատնտեսություն ենթածրագրի Ջրից դեպի Շուկա բաղադրիչի Վարկային ենթաբաղադրիչի իրականացման ընթացքի վերաբերյալ տեղեկատվության ներկայացում:
7. «Հազարամյակի մարտահրավեր» հիմնադրամ - Հայաստան» ծրագրի գնումների պլանի փոփոխության քննարկում և հաստատում:
8. Այլ հարցեր:  
 ա/ «Հազարամյակի մարտահրավեր» հիմնադրամ – Հայաստան» ծրագրի շրջանակներում Հազարամյակի Մարտահրավեր Կորպորացիային տարեկան կտրվածքով ներկայացվող «Տարեկան լրացուցիչ հաշվետվության» ներկայացում:

Օրակարգը հաստատվեց միաձայն:

Օրակարգին կից ՀԱՀ-Հայաստան ՊՈԱԿ-ի կողմից կառավարման խորհրդի անդամներին ներկայացվել էր նաև յուրաքանչյուր հարցի վերաբերյալ համապատասխան տեղեկանք՝ կից փաստաթղթերով:

### **Նիստի ընթացքում.**

**Օրակարգի 1-ին հարցը** ներկայացրեց ՀԱՀ-Հայաստան ՊՈԱԿ-ի գլխավոր գործադիր տնօրեն Արա Յովսեփյանը:

Արա Յովսեփյանը ներկայացրեց, որ 2008թ. սեպտեմբերի 27-ին կայացել է ՀԱՀ-Հայաստան ծրագրի Շահառուների խորհրդի ընտրությունը, որի արդյունքում առավելագույն ծայներ հավաքած տասնհինգ անձինք դարձել են Շահառուների խորհրդի անդամ: Սեպտեմբերի 13-ի ՇԽ նիստի ընթացքում ընտրվել են ՀԱՀ-Հայաստան ՊՈԱԿ-ի կառավարման խորհրդի ՇԽ հինգ հետևյալ պատվիրակները՝

- Կարեն Զադոյան
- Վիկտոր Ենգիբարյան

- Շիրակ Միքայելյան
- Արման Ոսկանյան
- Պողոս Շահինյան

Կառավարության հոկտեմբերի 30-ի նիստում ընդունվել է կառավարության համապատասխան որոշում՝ ՀԱՀ-Հայաստան ՊՈԱԿ-ի կառավարման խորհրդի նոր կազմը հաստատելու վերաբերյալ (N 1228-Ն):

Կառավարման խորհրդի անդամներին ի գիտություն տեղեկացվեց նաև, որ հինգ պատվիրակներից մեկը՝ Պողոս Շահինյանը, չի մասնակցում տվյալ նիստին, քանի որ գտնվում է գործուղման մեջ: Արա Յուսեփյանն առաջարկեց, որպեսզի ներկա պատվիրակները հակիրճ ներկայացնեն իրենց և իրենց կազմակերպությունները:

Վիկտոր Ենգիբարյանը ներկայացրեց, որ ավարտել է ԵՊՀ սոցիոլոգիայի ֆակուլտետը, հետագայում ուսումը շարունակել է Գերմանիայի Դաշնային Հանրապետությունում, ներկայացնում է «Հայաստանի եվրոպական շարժում» ՀԿ-ն, որը հիմնադրվել է երեք տարի առաջ և հանդիսանում է եվրոպական նույնատիպ շարժման հետնորդը Հայաստանում: Կազմակերպությունն ունի ավելի քան 1000 անդամ և վերջինիս գործունեության հիմնական նպատակն է հանդիսանում Հայաստանի զարգացումը և եվրոինտեգրումը: Ընկերությունը հիմնականում ֆինանսավորվում է ստեղծված դուստր ձեռնարկության ծավալած գործունեությունից ստացված եկամուտներից:

Շիրակ Միքայելյանը ներկայացրեց, որ ավարտել է Երևանի անասնաբուժական-անասնաբուժական ինստիտուտը, ներկայացնում է «Աշխատանք և հայրենիք» ՀԿ-ն, որը ստեղծվել է 2001թ.: Կազմակերպության գործունեության հիմնական նպատակներն են աղքատության հաղթահարումը, փոքր և միջին ձեռնարկությունների զարգացումը, երիտասարդության և կանանց խնդիրները: Երեք տարի է ընկերությունն իրականացնում է դրամաշնորհային ծրագրեր՝ աղքատության հաղթահարման ռազմավարական ծրագրի շրջանակներում: Ընկերությունն ունի 20 անդամ և 220 կամավորական, հիմնականում ֆինանսավորվում է բիզնես սեկտորի ներդրումների և դրամաշնորհների հաշվին:

Արման Ոսկանյանը ներկայացրեց, որ ավարտել է ԵՊՀ Իջևանի մասնաճյուղի տնտեսագիտության ֆակուլտետը, ներկայացնում է «Տավուշի զարգացման» ՀԿ-ն, որը ստեղծվել է 2002թ.: Ընկերության հիմնական գործունեությունը ծավալվում է Տավուշի մարզում, իրականացնում է ինտերնետ ցանցի ապահովում, խորհրդատվություն և այլն: Ընկերությունն ունի 25 աշխատող, 300 կամավոր:

Կարեն Զադոյանը ներկայացրեց, որ ավարտել է ԵՊՀ իրավաբանական ֆակուլտետը և հանդիսանում է «Հայաստանի երիտասարդ իրավաբանների ասոցիացիա» ՀԿ-ի հիմնադիրներից մեկը: Կազմակերպությունը տրամադրում է իրավական խորհրդատվություն, իրականացնում է երիտասարդ սերնդի կրթություն, ընդհանուր հասարակության իրավագիտակցության բարձրացմանն ուղղված աշխատանքներ: Ընկերությունն ունի գրասենյակների ցանց մարզերում և վայելում է բարձր համբավ միջազգային կազմակերպությունների շրջանակում: Կազմակերպության անդամներ են հանդիսանում գործող փաստաբաններ, դատավորներ, դատախազներ, ինչպես նաև երիտասարդ ուսանող իրավաբաններ: Կազմակերպության բյուջեն ձևավորվում է դրամաշնորհներից, անդամավճարներից, իրավաբանական ընկերությունների գործունեությունից ձևավորված եկամուտից:

Քննարկումներից հետո **միաձայն որոշվեց՝** ընդունել ի գիտություն ՀԱՀ-Հայաստան ծրագրի շահառուների խորհրդի և կառավարման խորհուրդ պատվիրակների ընտրությունների արդյունքները:

**Օրակարգի 2-րդ հարցը** ներկայացրեց ՀՄՀ-Հայաստան ՊՈԱԿ-ի գլխավոր գործադիր տնօրեն Արա Յովսեփյանը:

Արա Յովսեփյանը տեղեկացրեց, որ ՀՄՀ-Հայաստան ՊՈԱԿ-ը կազմակերպել է գլխավոր գործադիր տնօրենի տեղակալի թափուր պաշտոնի համալրման համար մրցույթ: Մրցույթի անցկացման համար ձևավորվել էր միջգերատեսչական մրցութային հանձնաժողով, որի կազմում ընդգրկված էին ներկայացուցիչներ ՀՀ կառավարության աշխատակազմից, ՀՀ էկոնոմիկայի նախարարությունից, ՀՄՀ-Հայաստան ՊՈԱԿ-ից, ինչպես նաև ՀՄՀ-Հայաստան ծրագրի շահառուների խորհրդի կազմից: Մրցույթին մասնակցության հայտ էին ներկայացրել 39 թեկնածուներ, որոնցից մրցութային հանձնաժողովը կարճ ցուցակում ընդգրկել և հարցազրույցի էր կանչել 9-ին: Հարցազրույցի արդյունքում մրցութային հանձնաժողովն ընտրել էր առավելագույն միավորներ հավաքած երեք թեկնածուների:

Արա Յովսեփյանը հայտնեց, որ կարճ ցուցակում ընդգրկված թեկնածուները հրավիրվել են ՀՀ կառավարություն և պատրաստ են կառավարման խորհրդում հարցազրույցի:

ՀՀ Վարչապետ Տիգրան Սարգսյանը հարցրեց, թե ինչպիսի՞ հիմնական պարտականություններ է ունենալու գլխավոր գործադիր տնօրենի տեղակալը:

Արա Յովսեփյանը պարզաբանեց, որ գլխավոր գործադիր տնօրենի տեղակալը պատասխանատու է լինելու ինչպես վարչական, այնպես էլ ծրագրային ոլորտների համար, մասնավորապես՝ Ոռոգվող գյուղատնտեսություն ծրագրի իրականացման համար:

ՀՀ Վարչապետ Տիգրան Սարգսյանը նախ կարծիք հայտնեց այն մասին, որ մրցութային հանձնաժողովն արդեն իսկ գնահատել է թեկնածուների մասնագիտական հմտությունները և առաջարկեց հարցազրույց անցկացնել և գնահատել վերջիններիս կառավարչական հմտությունները:

Երեք թեկնածուների հետ հարցազրույց անցկացնելուց հետո կառավարման խորհուրդը քննարկեց ստացված արդյունքները:

Քննարկումների արդյունքում **միաձայն որոշվեց՝** հիմք ընդունելով մրցութային հանձնաժողովի կատարած աշխատանքը և եզրակացությունը, ինչպես նաև անցկացված հարցազրույցի արդյունքները, փաստել, որ ներկայացված երեք թեկնածուներն էլ համապատասխանում են պահանջված չափանիշներին և հաստատել արդյունքները:

**Օրակարգի 3-րդ հարցը** ներկայացրեց ՀՄՀ-Հայաստան ՊՈԱԿ-ի գլխավոր գործադիր տնօրեն Արա Յովսեփյանը:

ՀՀ Վարչապետ Տիգրան Սարգսյանը հետաքրքրվեց, թե նախկինում կառավարման խորհրդի քննարկմանը ներկայացված Ոռոգվող գյուղատնտեսություն ծրագրի ենթակառուցվածք բաղադրիչի վերանայված տարբերակի նախագծի վերաբերյալ ինչպիսի՞ վիճահարույց հարցեր կային:

Արա Յովսեփյանը պարզաբանեց, որ վիճահարույց հարցեր չկային, պարզապես անհրաժեշտ էր կատարել որոշակի ճշգրտումներ:

Արամայիս Գրիգորյանն առաջարկեց հնարավորության պարագայում քննարկել նաև փակ դրենաժների մաքրման և վերականգնման խնդիրը, քանի որ վերջիններս գտնվում են անմխիթար վիճակում և ավելի քան տաս տարի է չեն շահագործվում:

Արա Յովսեփյանը պարզաբանեց, որ քանի որ պատրաստ չեն նախագծերը և փակ դրենաժները ուսումնասիրված չեն, ուստի հնարավոր չէ ասել վերջիններիս իրական վիճակն ինչպիսին է: Նախնական, չուսումնասիրված տվյալներով փակ դրենաժների մաքրման համար անհրաժեշտ է նվազագույնը հավելյալ 5 մլն. ԱՄՆ դոլար:

ՀՀ Վարչապետ Տիգրան Սարգսյանը հարցրեց, թե ի՞նչ հաճախականությամբ են մաքրվում դրենաժային համակարգերը:

Անդրանիկ Անդրեասյանը տեղեկացրեց, որ բաց դրենաժները մաքրվում են երեք տարին մեկ անգամ, իսկ փակ դրենաժների մասին վերջնական պատասխան տալու համար անհրաժեշտ է ունենալ նախագծման արդյունքները:

Արա Յովսեփյանը տեղեկացրեց, որ ՀՄԿ-ի կողմից վերանայված Ոռոգվող գյուղատնտեսություն ծրագրի ենթակառուցվածք բաղադրիչի վերաբերյալ ներկայացվել է Իրականացման նամակ, որը ենթակա է ստորագրման ՀՀ էկոնոմիկայի նախարար Ներսես Երիցյանի, ինչպես նաև ՀՄՀ-Հայաստան ՊՈԱԿ-ի գլխավոր գործադիր տնօրենի կողմից:

Քննարկումներից հետո **միաձայն որոշվեց՝** հաստատել «Հազարամյակի մարտահրավեր» հիմնադրամ – Հայաստան» ծրագրի Ոռոգվող գյուղատնտեսություն ենթածրագրի ենթակառուցվածք բաղադրիչի վերանայված տարբերակը, ինչպես նաև հանձնարարել Ներսես Երիցյանին և Արա Յովսեփյանին ստորագրել և ՀՄԿ ուղարկել Իրականացման նամակը:

**Օրակարգի 4-րդ հարցը** ներկայացրեց ՀՄՀ-Հայաստան ՊՈԱԿ-ի գլխավոր գործադիր տնօրեն Արա Յովսեփյանը:

Արա Յովսեփյանը տեղեկացրեց, որ նախատեսվում է Ոռոգվող գյուղատնտեսություն ծրագրի ենթակառուցվածք բաղադրիչի շրջանակներում կնքված նախագծման և տեխնիկական վերահսկողության պայմանագրերից հանել տեխնիկական վերահսկողության հատվածը՝ համապատասխանաբար նվազեցնելով պայմանագրի գումարը և այդ գումարի շրջանակներում վարձել մեկ ընդհանուր՝ մասնագիտացված ընկերության: Վերջինս կնպաստի առավել որակյալ տեխնիկական վերահսկողության իրականացմանը, ինչպես նաև իրականացվող աշխատանքներին համապատասխան միջազգային մասնագետների ներգրավմանը, որն էլ իր հերթին կբերի նոր մասնագիտական հմտությունների և միջազգային փորձի փոխանակությանն ու խորացմանը:

Արմեն Գևորգյանը հարցրեց, թե ինչու՞ է ի սկզբանե նախագծումն ու տեխնիկական վերահսկողությունը միասին նախատեսվել:

Արա Յովսեփյանը պարզաբանեց, որ նախկինում այս տարբերակն ավելի նպատակահարմար է համարվել, քանի որ ենթադրվել է, որ նախագծումն իրականացնող ընկերությունն ավելի արդյունավետ կկարողանա իրականացնել իր կողմից պատրաստված նախագծերի համաձայն կատարվող շինարարական աշխատանքի վերահսկողությունը:

ՀՀ Վարչապետ Տիգրան Սարգսյանը հետաքրքրվեց, թե ի՞նչն է հիմք հանդիսացել տվյալ դիրքորոշումը փոխելու համար:

Արա Յովսեփյանը տեղեկացրեց, որ ոռոգման ոլորտում շինարարության առաջին պիլոտային ծրագրի, այն է՝ երրորդ կարգի ջրանցքների շինարարության տեխնիկական վերահսկողություն իրականացնող տեղական ընկերության կողմից կատարված աշխատանքը բավականին ցածրորակ է եղել և հանգեցրել է համապատասխան տույժերի կիրառման, բացի այդ վերջին ամիսների ընթացքում ՀՄԿ-ի ճարտարագետները բավարարված չեն եղել տեղական նախագծողների աշխատանքի որակով, մասնավորապես նշելով, որ վերջիններս չեն

ներկայացրել նոր, արդյունավետ և առաջադեմ տեխնիկական լուծումներ, որն էլ ստիպել է ՀՄՀ-Հայաստանին և ՀՄԿ-ին անդրադառնալ այս հարցին:

Քննարկումներից հետո միաձայն որոշվեց՝ համաձայնել և ի գիտություն ընդունել «Հազարամյակի մարտահրավեր» հիմնադրամ – Հայաստան» ծրագրի Ոռոգվող գյուղատնտեսություն ենթածրագրի ենթակառուցվածք բաղադրիչի շրջանակներում կնքված նախագծման և տեխնիկական վերահսկողության պայմանագրերի փոփոխության մասին տեղեկատվությունը:

**Օրակարգի 5-րդ հարցը** ներկայացրեց ՀՄՀ-Հայաստան ՊՈԱԿ-ի գլխավոր գործադիր տնօրեն Արա Յովսեփյանը:

Արա Յովսեփյանը նշեց, որ ներկայացված ծրագիրը էապես տարբերվում է նախկինում նախատեսված ծրագրի շրջանակներից, մասնավորապես՝ այն հիմնված է ընտրված ՋՕԸ-երի հետ ամենօրյա նպատակային, խորացված աշխատանքի վրա, այդ թվում նախատեսվում է իրականացնել ՋՕԸ-երի կառավարման համակարգի բարելավման պլանի մշակում և ներդրում:

Պարզաբանումից հետո միաձայն որոշվեց՝ համաձայնել և ի գիտություն ընդունել աշխատանքների ծավալի փոփոխությունը, հանձնարարել «Հազարամյակի մարտահրավեր» հիմնադրամ – Հայաստան» ՊՈԱԿ-ին Euroconsult Mott MacDonald ընկերության հետ բանակցել պայմանագրի գումարի ավելացման չափի շուրջ և հավանություն տալ, որ վերջնական բանակցությունների արդյունքում Պայմանագրի արժեքն ավելանա համաձայնեցված գումարի չափով:

**Օրակարգի 6-րդ հարցը** ներկայացրեց ՀՄՀ-Հայաստան ՊՈԱԿ-ի գլխավոր գործադիր տնօրեն Արա Յովսեփյանը:

ՀՀ Վարչապետ Տիգրան Սարգսյանը հարցրեց, թե ո՞ր մարմինն է իրականացնում վարկային բաղադրիչի վերահսկողությունը:

Արա Յովսեփյանը պարզաբանեց, որ վերահսկող կառույց է հանդիսանում Գյուղական ֆինանսավորման կառույց ԾԻԳ պետական հիմնարկը, որը գործում է ՀՀ ֆինանսների նախարարության ենթակայության ներքո:

Արամայիս Գրիգորյանը հայտնեց, որ առավել նպատակահարմար է վարկային բաղադրիչի երկրորդ փուլում ևս անցկացնել աճուրդ, քանի որ դա հնարավորություն կտա պահպանել տրամադրվող վարկերի համեմատաբար ցածր տոկոսադրույթը:

Արա Յովսեփյանը տեղեկացրեց, որ Ուղեցույցը դեռ ավարտականացված չէ և մոտեցումները ենթակա են քննարկման:

ՀՀ Վարչապետ Տիգրան Սարգսյանը հարցրեց, թե ի՞նչն է վարկավորման հիմնական նպատակը:

Արա Յովսեփյանը պատասխանեց, որ վարկային ծրագիրը նպատակ ունի աջակցել մատչելի և երկարաժամկետ վարկերի տրամադրմանը ֆերմերներին և գյուղատնտեսության հետ կապված բիզնեսներին, որոնք նպատակաուղղվելու են բարելավված ոռոգման և բարձրարժեք գյուղատնտեսության ոլորտում կատարվող կապիտալ ներդրումներին: Այն նաև նպատակ ունի քաջալերել վարկառուի վարկային կարիքների բավարարմանն ուղղված նորարարական մոտեցումների ներդրումը: Ակնկալվում է, որ Վարկային Ծրագիրը կօգնի վարկ տրամադրողներին զարգացնել երկարատև, որակյալ և փոխշահավետ հարաբերություններ, ինչպես նաև ընդլայնել գյուղատնտեսության ոլորտին տրամադրվող ֆինանսական ծառայությունների շրջանակը:

Արմեն Գևորգյանը հարցրեց, թե արդյո՞ք վարկային բաղադրիչի առկայությունն ու իրականացումը հանդիսանում են ՀԱՀ-Հայաստան ծրագրի պարտադիր պայման:

Արա Հովսեփյանը պարզաբանեց, որ վերջինս չի հանդիսանում ծրագրի պարտադիր պահանջ:

Արամայիս Գրիգորյանն առաջարկեց, որպեսզի ՀԱՀ-Հայաստանն ի սկզբանե սահմանի վարկավորման տոկոսը, որին ՀՀ Վարչապետն ավելացրեց, որ այս դեպքում մրցույթի կոդվի վարկատուների կողմից մատուցվող ծառայության որակը:

Արա Հովսեփյանը մտահոգություն հայտնեց, որ հնարավոր է այս դեպքում խաթարվի առկա վարկային շուկան:

ՀՀ Վարչապետ Տիգրան Սարգսյանը պարզաբանեց, որ տվյալ գումարը շատ փոքր է և չի կարող էական ազդեցություն ունենալ վարկային շուկայի վրա, հետևաբար նման վտանգը բացառվում է: Միաժամանակ ՀՀ Վարչապետը նշեց, որ քանի որ այս գումարի սահմաններում հնարավոր չէ էական նպաստ բերել գյուղատնտեսության վարկավորմանը, ուստի առավել արդյունավետ կլինի այն ուղղել որևէ այլ ոլորտ, օրինակ՝ Ոռոգման ենթակառուցվածքի ոլորտ:

Արման Ոսկանյանն ևս առաջարկեց հրաժարվել վարկի գաղափարից և գումարը տրամադրել գյուղացիներին որպես դրամաշնորհ:

Քննարկումներից հետո **միաձայն որոշվեց՝** ի գիտություն ընդունել ներկայացված տեղեկատվությունը և հանձնարարել ՀԱՀ-Հայաստան ՊՈԱԿ-ին ուսումնասիրել վարկային փաթեթի հետագա փուլերի արդյունավետությունը՝ ելնելով վարկային շուկայի առկա վիճակից, ՀԱԿ-ի հետ քննարկել գումարն այլ ոլորտ ուղղելու հնարավորությունը և կառավարման խորհրդի հաջորդ նիստում ներկայացնել տեղեկանք ստացված արդյունքների վերաբերյալ:

**Օրակարգի 7-րդ հարցը** ներկայացրեց ՀԱՀ-Հայաստան ՊՈԱԿ-ի գլխավոր գործադիր տնօրեն Արա Հովսեփյանը:

ՀՀ Վարչապետը հանձնարարեց բետոնի որակական չափանիշների գծով և նստվածքակուտակումների գծով կարճաժամկետ խորհրդատուների հաշվետվությունները պատրաստ լինելուց հետո ներկայացնել ՀԱՀ-Հայաստան ՊՈԱԿ-ի կառավարման խորհրդին:

**Միաձայն որոշվեց՝** հաստատել «Հազարամյակի մարտահրավեր» հիմնադրամ - Հայաստան» ծրագրի փոփոխված գնումների պլանը:

**Օրակարգի 8-րդ հարցի ա/ կետը** ներկայացրեց ՀԱՀ-Հայաստան ՊՈԱԿ-ի գլխավոր գործադիր տնօրեն Արա Հովսեփյանը:

**Միաձայն որոշվեց՝** ի գիտություն ընդունել «Հազարամյակի մարտահրավեր» հիմնադրամ – Հայաստան» ծրագրի շրջանակներում Հազարամյակի Մարտահրավեր Կորպորացիային տարեկան կտրվածքով ներկայացվող «Տարեկան լրացուցիչ հաշվետվությունը»:

Վիկտոր Ենգիբարյանը կառավարման խորհրդի անդամների ուշադրությունը հրավիրեց այն փաստին, որ ՀՀ ֆինանսների և էկոնոմիկայի նախարարության լիազորությունները տարանջատելուց հետո ՀԱՀ-Հայաստան ՊՈԱԿ-ի կառավարման խորհրդի կազմում ՀՀ կառավարության ներկայացուցիչների թիվը վեցից դառել է յոթ՝ համապատասխանաբար ՀՀ ֆինանսների նախարար և ՀՀ էկոնոմիկայի նախարար, ուստի խախտվել է կառավարություն-քաղաքացիական հասարակություն համամասնությունը: Առաջարկվեց կառավարման խորհրդում ներկայացված քաղաքացիական հասարակության անդամների թիվը ևս ավելացնել մեկով:

**Միաձայն որոշվեց՝** հանձնարարել «Հազարամյակի մարտահրավեր» հիմնադրամ – Հայաստան» ՊՈԱԿ-ին Հազարամյակի Մարտահրավեր Կորպորացիայի հետ քննարկել հավելյալ մեկ քաղաքացիական հասարակության ներկայացուցչի ներգրավման հարցը և դրական պատասխանի դեպքում ձեռնամուխ լինել այդ գործընթացի իրականացմանը:

Վիկտոր Ենգիբարյանը նաև հայտնեց, որ ըստ Կառավարման համաձայնագրի 1.3 (a) բաժնի, ծրագրի առաջին տարում որպես կառավարման խորհրդի նախագահ նշանակվում է ՀՀ Վարչապետը: Յուրաքանչյուր հաջորդ նախագահը պետք է լինի կառավարման խորհրդի քվեարկելու իրավունք ունեցող անդամ, որն ընտրվել է քվեարկելու իրավունք ունեցող անդամների կողմից:

Տեղեկատվության ներկայացումից հետո **միաձայն որոշվեց՝** հաստատել, որ ՀՀ Վարչապետը կշարունակի պաշտոնավարել որպես ՀՄՀ-Հայաստան ՊՈԱԿ-ի կառավարման խորհրդի նախագահ և հանձնարարել ՀՄՀ-Հայաստան ՊՈԱԿ-ին տվյալ հարցը ներկայացնել ՀՄԿ-ի հավանությանը:

Հարցերի սպառումից հետո նիստն ավարտվեց:

«ՀԱԶԱՐԱՄՅԱԿԻ ՄԱՐՏԱՀՐԱՎԵՐ» ՀԻՄՆԱԴՐԱՄ-ՀԱՅԱՍՏԱՆ»  
ՊՈԱԿ-Ի ԿԱՌԱՎԱՐՄԱՆ ԽՈՐՀՐԴԻ ՆԱԽԱԳԱՀ,  
ՀՀ ՎԱՐՉԱՊԵՏ

S. ՍԱՐԳՍՅԱՆ

Նիստը արձանագրեց՝  
«ՀՄՀ-Հայաստան» ՊՈԱԿ-ի իրավախորհրդատու,  
«ՀՄՀ-Հայաստան» ՊՈԱԿ-ի Կառավարման խորհրդի քարտուղար  
Ն. Մարտիրոսյանը